

आकाशवाणी

1 वायु सेना दे उप-प्रमुख एयर मार्शल अमरप्रीत सिंह होरें आखेआ जे रक्षा ते युद्ध च तकनीक दे विकास कारण वायु सेना दी जिम्मेदारियां बदी गेइयां न।

2 पुंछ च इक सरकारी इमारतें दी छत उप्पर जींदा ग्रेनेड गी निष्क्रिय कीता गेआ।

3 राई-बाई ते करसानें दी भलाई बेहतरी सरबन्धी मैहकमे दे केंद्री मंत्री शिवराज सिंह चौहान होरें दावा कीता जे खेती च रसैनी हैल दा इस्तेमाल बगैर बी उपज च बाददा कीता जाई सकदा ऐ।

4 युवा मामलें ते खेड़ें सरबन्धी मैहकमे दे मंत्री डॉ. मनसुख मांडविया होरें नमीं दिल्ली च कीर्ति पैहलकदमी दे दुए चरण दा उद्घाटन कीता।

5 ते क्रिकेट च महिलाएं दी एशिया कप टी-20 प्रतियोगिता च अज्ज पिछली बारी दी विजेता टीम भारत दा मुकाबला पाकिस्तान कन्नै होआ'रदा ऐ।

<><><><><><><>

Air Chief Technology

वायु सेना दे उप प्रमुख एयर मार्शल अमर प्रीत सिंह होरें आखेआ ऐ जे रक्षा क्षेत्र ते युद्ध च टेक्नोलाजी दे विकास करी वायु सेना दियां जिम्मेदारियां बदी गेइयां न। एयर मार्शल सिंह होरें एयर एंड मिसाइल डिफेंस इंडिया सेमिनार ते प्रदर्शनी 2024 दे उद्घाटनी भाषण दौरान एह गल्ल आकखी। उन्नै आखेआ जे

वायु सेना दे बढदे महत्व गी दिक्खदे होई इसी हर इक महत्वपूर्ण तकनीकी विकास कन्नै जोड़ने दी लोड़ ऐ। संचार ते डेटा दे महत्व दा जिक्र करदे होई उनें आखेआ जे सेनाएं गी मजबूत ते बहु-स्तरीय सुरक्षा प्रणाली दी लोड़ ऐ। सिंह होरें इस क्षेत्र च भारत दे आत्मनिर्भर बनने पर जोर दिंदे होई आखेआ जे इस मामले च गुणवत्ता कन्नै समझौता नेई कीता जाना लोड़चदा।

<><><><><><>

Grenade

पुंछ जिले च इक सरकारी ईमारत दी छत पर इक ग्रेनेड पाया गेआ जिसी बम्ब नकारा करने आहले दस्ते आस्सेआ नकारा कीता गेआ। ग्रेनेड दे छत पर पाए जाने करी उत्थे रौहने आहले लोकें च डर-त्राह पैदा होई गेआ ते ओह घबराई गए। एह ग्रेनेड छत पर पेदा हा। बच्चें छत पर खेडदे होई इस ग्रेनेड गी दिक्खेआ ते एहदे बारै दस्सेया। पुलिस मौके आहली थाहर पर पुज्जी गई। पुलिस दल नै लाहके दी घेराबंदी करी लैती। एह ईमारत जिला अस्पताल दे नेड़े गै ऐ। बम्ब नकारा करने आले दस्ते गी सद्देया गेआ जिन्ने ग्रेनेड गी नकारा बनाई दिता। पुलिस गी शक ऐ जे कुसै नै ग्रेनेड गी सुट्टेया पर ओह नेई फट्टेया। इस मामले च जांच कीती जा रदी ऐ। उत्थे रौहने आहले लोकें च इस घटना मगरा डर-त्राह पैदा होई गेआ ऐ। पुलिस लोकें गी आखेआ ऐ जे ओह सौहगे रौहन ते कुसै बी शुभे आली हरकत बारै सुरक्षा एजेंसिएं गी जानकारी देन।

<><><><><><>

पेंशनरें, कार्मिक ते जन शकैतें सरबंधी मंत्रालय आस्सेआ अज्ज जम्मू च रटैरमेंट कोला पैहले आले परामर्श सरबंधी 54मीं कार्यशाला दा सरिस्ता कीता गेआ। कार्यशाला च केंद्रीय राज्यमंत्री डा. जतिंद्र सिंह होर बतौर मुख परौहने मौजूद हे। इस कार्यक्रम दा मकसद पेंशनी होने आले मलाजमें गी बक्ख-बक्ख फायदें ते पेंशन दी मंजूरी आली प्रक्रिया बारें जानकारी उपलब्ध करोआना हा। इस मौके पर पर DARPG दे सचिव वी. श्रीनिवास ते जम्मू-कश्मीर दे साबका मुख सचिव बी.आर शर्मा होर बी मौजूद हे। इस कार्यशाला दौरान रटैर होने आलें गी अनुभव अवार्ड स्कीम, जीवन प्रमाण पत्र, केंद्र सरकार दी सेहत स्कीम, पेंशनरें दे संगठित पोर्टल वगैरा बारें जानकार बनाना ऐ। इस मौके पर बोलदे होई जितेंद्र सिंह होरें आखेआ जे सरकार कर्मचारिएं दे कल्याण लेई बचनबद्ध ऐ।

<><><><><><>

Agriculture Minister

राईबाई ते करसानें दी भलाई बेहतरी सरबंधी मैहकमे दे केंद्री मंत्री शिवराज सिंह चौहान होरें दावा कीता जे खेती च रसैनी हैल दा इस्तेमाल कीते बगैर बी उपज च बाददा कीता जाई सकदा ऐ। लखनऊ च कुदरती खेती दे विज्ञान बारें सलाह-मश्वरे आहले प्रोग्राम च भाषण दिंदे होई श्री चौहान होरें आखेआ जे सरकार कुदरती खेतीबाड़ी प्रति जागरूकता फैलाने लेई कुल भारतीय सतह उप्रप इक अभियान चलाग। आकाशवाणी सवां स्हाढ़े संवाददाता नै खबर दिती ऐ जे केंद्री मंत्री होरें करसानें अग्वे कुदरती खेती करने दी अपील कीती। उनें आखेआ जे

पैहले दऊं बरें फसल दी उपज घट्ट होग, इस करियै सरकार कुदरतीखेती लेई करसानें गी पैहले त्रऊं बरें लेई सब्सिडी देग। करसानें गी उंदे उत्पादन लेई बेहतर कीमत बी दिती जाग। उनें आखेआ जे स्हाढ़ा मकसद रसैनी हैल मुक्त राईबाई करने दा ऐ। मंत्री होरें आखेआ जे कुदरती खेती ना सिर्फ किफाती होग, सगुआं सेहत लेई बी खरी होग। इस प्रोग्राम च भाषण दिंदे होई गुजरात दे गवर्नर आचार्य देवव्रत होरें आखेआ जे कुदरती राई-बाई ते जैविक खेती च फर्क हुंदा ऐ ते इस फर्क गी समझना बड़ा मता जरूरी ऐ। उनें कुदरती खेतीबाड़ी दे फायदा बारै बी दस्सेया दसाया। उनें आखेआ जे कुदरती खेती लेई घट्ट पानी दी लोड़ होंदी ऐ। इस मौके पर बोलदे होई उत्तर प्रदेश दे मुखमंत्री योगी आदित्यनाथ होरें आखेआ जे उत्तर प्रदेश च कुदरती खेती-बाड़ी गी बढ़ावा देने लेई केई गैइयां पुट्टियां गेइयां न। उनें आखेआ जे उत्तर प्रदेश च 4 कृषि यूनिवर्सिटीयां, राईबाई सरबन्धी 2 केंद्री यूनिवर्सिटीयां ते राईबाई सरबन्धी 89 विज्ञान केंद्र स्थापित कीते गए न।

<><><><><><>

CBI-NEET

केंद्री जांच ब्यूरो नै नीट-यू.जी पेपर लीक मामले च रांची इंस्टीच्यूट ऑफ मेडिकल साइंसस दी इक छात्रा गी गिरफ्तार कीता ऐ। पुच्छ-पड़ताल मगरा रांची इंस्टीच्यूट ऑफ मेडिकल साइंसस दी 2023 बैच दी एम.बी.बी.एस दी छात्रा सुरभि कुमारी गी गिरफ्तार करी लैता गेआ। सीबीआई नै औदा मोबाइल, लैपटॉप ते होर दुइएँ इलेक्ट्रानिक उपकरण जब्त करी लैते न। झारखंड दे रामगढ़ जिले

दी रौहने आली सुरभि कुमारी नै कथित तौर पर पेपर लीक मामले दे दोषियें आस्तै नीट म्तेहान दे पेपर गी हल कीता।

<><><><><><><>

Mann Ki Baat

प्रधानमंत्री नरेंद्र मोदी होरें मन की बात प्रोग्राम लेई हासिल होआ रदे सुझा ते विचारें पर खुशी जाहिर कीती ऐ। एह प्रोग्राम इसा महीने दी 28 तरीक गी प्रसारित कीता जाग। अपने इक सोशल मीडि पोस्ट च मोदी होरें आखेआ जे मन की बात प्रोग्राम आस्तै उनेंगी बड़े मते सुझा ते विचार थोआ करदे न। उनें आखेआ जे ओह एह दिक्खिए बड़े मते खुश न जे केई सारे युवा समाज गी बेहतर बनाने लेई कीते जा रदे सांझे जत्नें गी उजागर करा'रदे न ते इयै नेह कम्में च हिस्सा लै रदे न। प्रधानमंत्री होरें लोकें थवां अपील कीती ऐ जे ओह अपने सुझा My Gov, Nammo App पर साझा करन जां फही टोल फ्री नंबर 1800117800 पर बी लोक अपने सनेह रिकार्ड कराई सकदे न।

<><><><><><><>

BJP-Election

भारतीय जनता पार्टी नै औंदे असेंबली चुनां अपनी भ्याल पार्टिएं कन्नै मिलियै लड़ने दा फैसला कीता ऐ। एह घोषणा भारतीय जनता पार्टी दे राज्य प्रभारी भूपेंद्र यादव ते उप प्रभारी अश्विनी वैष्णव होरें मुम्बई च पार्टी दी राज्य कोर कमेटी दी बैठक मगरा कीती। इस मीटिंग च औंदे विधानसभा चुनाएं, भ्याल पार्टिएं कन्नै सीटें दा बंटवारे सने चुनाएं दे होरनें पैहलुएं बारै चर्चा कीती गई।

दौनें लीडरें राज्य दे नेताएं गी भ्याल पार्टिएं कन्नै तालमेल बनाने ते लोकसभा
चुनाएं च होई दी गलतिएं दे निर्देश दिते।

<><><><><><>

Mansukh Mandviya

युवा मामले ते खेड्डें सरबन्धी मैहकमे दे मंत्री डॉ. मनसुख मांडविया होरें अज्ज
नमीं दिल्ली च सरकार दे खेलो इंडिया कीर्ती पैहलकदमी दे दुए गेड़ गी शुरू
करवाया। मंत्रालय नै आखेआ जे इस पैहलकदमी दा मकसद नमीं प्रतिभाएं दी
पंछान करियै विकसित करना ऐ। एहदे कन्नै जमीनी सतह उप्पर प्रतिभाएं दी
पंछान करने दी प्रक्रिया च मदाद होंदी ऐ। इस परियोजना राएं 2024-25 तोड़ी
सब्बै राज्य थमां 20 लकख प्रतिभाएं दा आंकलन करने दा लक्ष्य रखेआ गेदा ऐ।
इस मौके पर बोलदे होई श्री मांडविया होरें आखेआ जे कीर्ति दा मकसद शैहरें,
ग्राएं-पिंडें, आदिवासी ते हिमालय दे दूर दराज लाहकें सवां प्रतिभाएं गी तुप्पना
ऐ। उनें आखेआ जे केंद्र नरेंद्र मोदी सरकार दे िए कार्यकाल दे पैहले 100 दिनें
च 1 लकख प्रतिभाएं दी शिनाख्त करोग। एहदे थमां पैहले, कीर्ति दे पैहले गेढ़ दी
शुरूआत इस बरै मार्च च चंडीगढ़ च होई ही। इस गेढ़ च 70 केंद्रें च 3 लकख 62
जहार 683 पंजीकरण होए हे। एह पंजीकरण निशानेबाजी, तीरंदाजी, फुटबॉल, हॉकी,
कबड्डी, खो-खो, कुश्ती, वॉलीबॉल जनेह 11 खेड्डें च होआ हा।

<><><><><><>

JK-Police Advisory

जम्मू-कश्मीर पुलस नै प्रदेश दे डीजीपी आर.आर स्वैन होने दा दावा करने आहले जालसाज बारै थहोई दी रिपोर्ट मगरा कनूनी कार्रवाई शुरू कीती ऐ। एह जालसाज 8891979985 मोबाइल नंबर दा इस्तेमाल करा रदा ऐ ते अपने आपा गी पुलस महानिदेशक आर.आर स्वैन दस्सा रदा ऐ। जम्मू-कश्मीर पुलस नै आम लोकें ते कनून नाफिज करोआने आले अधिकारिणं गी आखेआ ऐ जे ओह एहतियात बरतन ते अगगे दी जांच होने तगर इस व्यक्ति कन्नै कुसै बी चाल्ली दी गल्लबात करने थां बचन। इस्सै दौरान पुलस नै बी एह आग्रह कीता ऐ जे पुलस अधिकारी, सहकर्मी ते खासतौर पर आम लोक इस जालसाज कन्नै गल्लबात करने थां बचन।

<><><><><><>

MEA-Bangladesh

विदेश मंत्रालय नै बांगलादेश च भारतीय नागरिकें गी ढाका च हाई कमीशन कन्नै संपर्क च रौहने ते हाई कमीशन आस्सेआ जारी सलाह दी पालमा करने लेई आखेआ ऐ। मंत्रालय मुजब ढाका च हाई कमीशन ते सहायक हाई कमीशन कुसा चाल्ली दी बी मदाद लेई हेल्पलाइन नंबरें पर मजूद न। नमीं दिल्ली च पत्रकारें गी संबोधित करदे होई मंत्रालय दे प्रवक्ता रंधीर जयसवाल हारें आखेआ जे तकरीबन साइडे 8 जहार विद्यार्थी ते 15 जहार भारतीय नागरिक बांगलादेश च रवारदे न। उनें आखेआ जे विदेश मंत्री डॉ. एस जयशंकर होरें स्थिति उप्पर नेइमी तक्क रक्खी दी ऐ। उनें आखेआ जे मंत्रालय उत्थे मौजूद भारतीय नागरिकें गी हर चाल्ली दी मदाद देने लेई बचनबद्ध ऐ।

<><><><><><>

Udhampur-Police

उधमपुर दी पुलस नै बड़ी मती मात्रा च नशीले पदार्थ दी तस्करी दी कोशश गी नाकाम करी दिता ऐ। पुलस नै चनैनी च जीरोमोड़ नाके पर 344 किलो कोला मते नशीले पदार्थ पोपी स्ट्रा जब्त करियै इक्क शख्स गी हिरासत च लेई लैता। मुण्डली पड़ताल च गड़्डी दे ड्राइवर दी पंछान हरप्रीत सिंह दे तौर पर कीती गई ऐ। एह पंजाब दे जस्ताना खुर्द डेरा बस्सी मल्ले दा रौहने आहला ऐ। इसा शख्स गी मौके पर गिरफ्तार करी लैता गेआ ते गड़्डी ते तस्करी करने दी कोशश कीते जाने आहले पदार्थ गी जब्त करी लैता गेआ। इस सरबंधा च एन.डी.पी.एस कनून तैहत चनैन पुलस स्टेशन च मामला दर्ज कीता गेआ ऐ ते मामले दी जांच कीती जा रदी ऐ।

<><><><><><>

DC-Reasi

रियासी दे डिप्टी कमिशनर होरें कटड़ा दे होटल ते रेस्टोरेंट एसोसिएशन दे मिम्बरें कन्नै इक्क मीटिंग लाई। इस मीटिंग च खास करियै उच्च श्रेणी दे पर्यटकें गी सेवा देने आहले होटलें दे मेम्बर शामिल हे। मीटिंग च एह फैसला लैता गेआ जे कटड़ा गी उत्तर भारत च ब्याह शादिएं गितै पसंद आहली थाहर यानि डेस्टीनेशन वेडिंग दे तौर पर कामय कीता जा। डिप्टी कमिशनर होरें श्री माता वैष्णो देवी श्राइन बोर्ड कटड़ा गी पर्यटकें ते श्रद्धालुएं गी सुविधा मुहैया कराने लेई आखेआ।

<><><><><><>

Asia-Cup T-20 Cricket

महिलाएं दी एशिया कप टी-20 क्रिकेट टूर्नामेंट च अज्ज भारत दा मुकाबला पाकिस्तान कन्ने होआ रदा ऐ। एह मैच श्रीलंका दे दम्बुला च खेड़्ढेया जा'रदा ऐ। पाकिस्तान नै टॉस जित्तियै पैहले बल्लेबाजी दा फैसला कीता।

<><><><><><>